

光緒順天府志

京師志四

光緒順天

苑園

行宮附

侯官陳壽彝江陰繆荃孫覆輯

古帝王之設苑園蓋以茂對時物節宣氣序故雖聖主不廢靈囿
靈沼詩所以頌周文也

國朝

聖

聖相承恭儉維德

世祖本前明之舊修

南苑以備蒐狩若

暢春

圓明諸園亦皆勤政敕幾劬農觀稼之所也昔潛君高志臨安苑
園以爲非奉親歡修國典皆弗籍治美其君無于逸于游之好然

而南宋踞局偏隅民食地感財力之匱非盡主極之清明也我國家巍然建中興之業薄海內外民物豐阜終以顧念時艱重于興作輟而弗康斯

聖明之至已今之所敘皆咸豐以前之規制云志苑圖

南苑在永定門外二十里元爲下馬飛放泊

南苑冊元混一方輿勝覽下馬飛放泊

在大興縣正南廣四十頃子親幸近郊縱鷹隼搏擊以爲游豫之度謂之飛放

明永樂中

增廣其地

舊爲下馬飛放泊內有原鷹臺永樂十二年增廣其地

增廣其地

周圍凡一萬八千六百六十八畝別名南海子

南苑冊明一統志南海子四門線以周垣設海戶千人守視自永樂

定都以來歲歲蒐獵于此

本朝設總尉防禦等官守之

南苑冊會典南苑總尉一人正四品防禦八人正五品周垣

百二十里爲門凡九正南曰南紅門東南曰迴城門西南曰黃邨門正北曰大紅門稍東曰小紅門正東曰東紅門東北曰雙橋門

正西曰西紅門西北曰鎮國寺門養育禽獸其中爲行圍講武之

地

皇朝通志

凡田於近郊設圍場於

南苑以奉宸苑領之統圍大臣督入旗統領等各率所屬官兵先
蒞圍場布列鑲黃正白鑲白正藍四旗以次列于左正黃正紅鑲
紅鑲藍四旗以次列于右兩翼各置旗以爲表兩哨前隊用白兩
協用黃中軍用鑲黃

駕至圍場合圍較獵

大清會典

大紅門內

更衣殿南向門二層大殿三間乾隆三年建

南苑冊

舊衙門在小紅門西南宮門三楹前殿五楹二層三層殿宇各五
楹建自前明

本朝順治十五年重加修葺

蔭榆書屋三楹在後殿殿東轉西爲西書房南爲書室平臺樓之

東另一所宮門三楹內殿二層

南苑冊

南宮在南紅門內里許宮門二重前殿五楹後殿五楹再後西正

室三楹康熙五十二年建

南苑冊

新衙門在鎮國寺門內約五里許宮門三楹左右垂花門內對面房十間前殿三楹後殿五楹建自前明宮門前鐵獅子二上鐫延祐元年十月製元時舊物也後殿之東

裕性軒五楹西爲

澹思書屋後爲

陶春室

南苑冊

圓河行宮一所在黃邨門內宮門三間前殿五間後殿五間東所大宮門三楹東西配殿各三楹九間房九楹河中敞宇三楹平臺

三楹石板房三楹石亭一水柱房二楹六方亭一河亭三楹園亭

一半山房五楹西臨河房五楹

南苑册按苑中如元靈宮南作廟及永慕永佑德壽諸寺殿宇

規制均詳寺觀門

暢春園在西直門外十二里地名海淀療垣一千六十丈有奇

唐

聖祖仁皇帝以萬幾之暇

駐蹕於此酌泉而甘因明武清侯李偉故園址改建周方十餘里

築宮設籓

賜名暢春園時奉

孝莊文皇后

孝惠章皇后憩焉政事幾務卽裁決其中

高宗純皇帝御極後葺新園宇每逢

駐蹕圓明園敬奉

聖母皇太后安憩於此宮門內中爲

九經三事殿

皇朝通志都邑略

二宮門中爲

春暉堂東西有配殿後爲垂花門內殿爲

壽萱春永有左右配殿東西耳殿後照殿照殿後側座殿爲嘉蔭

兩角門中爲積芳亭正宇爲雲涯館館後渡橋循山而北有河池

南北立坊二曰玉澗金流門內爲景瑞軒軒後爲林香山翠又後

爲延春樓樓後河上爲鳶飛魚躍亭稍南爲觀蓮所樓左爲式古

齋齋後爲倚樹

楊春園冊

園內築東西兩隄長各數百步東堤曰丁

香堤西堤曰蘭芝堤皆通瑞景軒西堤外別築一堤曰桃花堤東

西兩堤之外大小河數道環流苑內出西北門五空闢達垣外東

經水磨邨趨清河西流則由馬廠北注入

圓明園自官門至此爲

暢春園中路

舊開考七十二

雲涯館東南角門外轉北過板橋爲劍山山

上爲蒼然亭下爲清遠亭由山東轉爲龍王廟過清遠亭沿堤而

南河上築南北垣一道中有門西向日廣梁門門內爲

澹甯居前殿爲

聖祖御門聽政選館引

見之所後殿爲

高宗舊時讀書之處大東門土山北循河岸西上爲淵鑑齋齋後
臨河爲雲容水態左廊後爲佩文齋齋後西爲葆光亭東爲蘭藻
齋淵鑑齋之前水中有藏輝閣閣後臨河爲清籟亭佩文齋之東
北向爲養拙堂對面爲藏拙齋淵鑑齋東過小山口北有府君廟
蘭藻齋循東岸而北轉山後爲疏峰循岸而西臨湖正軒爲太樸

太樸之東有石徑接東垣卽小東門溪北爲清溪書屋後爲導和堂西穿堂門外爲昭回館清溪書屋之西爲藻思樓樓後爲竹軒

暢春園

導和堂東穿堂門卽恩佑寺佛殿後牆甯居一路至此爲

暢春園東路

舊闕考七十六

春暉堂之西出如意門過小橋爲玩芳齋山後爲韻松軒舊名閑邪存誠雍正二年

高宗曾讀書于此乾隆四年燬于火重建

二宮門外出西穿堂門爲買賣街南垣外爲船塢門內別字五楹

北向

暢春園冊

舊闕考

買賣街建長河南岸略仿市廛景物

一名載月舫

舫內停泊大小船隻

舫日西

由船塢西行數武卽

壁上接

無逸齋之東門

無逸齋東垂花門內正宇跨河上爲韻玉廊廊西爲松篁深處自

右廊入爲

無逸齋門內有正殿西廊內正宇爲對清陰廊西爲蕙畹芝原

暢春園

無逸齋康熙年間

賜理密親王居住嗣移居

西花園遂爲年幼

皇子

皇孫讀書之所

高宗御極恭詣

暢春園問安于此傳膳辦事齋內

御書周書無逸篇後有

御題十韻

舊聞考
七十六

無逸齋北角門外近西垣一帶南爲菜園數十畝北則稻田數頃

春暮時深黃淺碧宛然圖畫東過板橋方亭爲蓮花巖對河爲松柏閣廟後有娘娘殿殿臺方式建于水中

暢春園冊

凝春堂在淵鑑齋之西東室爲

純約堂舊時無額因東室

純約堂爲

聖祖御題卽稱爲

純約堂乾隆十二年重修以奉

聖母慈像

高宗御題是額

舊問考七十六

其右河廳爲迎旭堂

純約堂東爲招涼精舍河廳之西爲宛轉橋橋北圓門爲憩雲迎旭堂後迴廊折而北爲曉煙榭河岸以西爲松柏室其左爲

樂善堂有亭爲天光雲影松柏室後出山口臨河爲紅藥亭自天

光雲影後廊出北小門登山東宇爲綠窗山北爲回芳墅紅藥亭
東爲秀野亭自回芳墅北轉山口過河水中傑閣爲藥珠院院北
埠上層室爲觀瀾榭西河廳東河廳爲坐煙棧臺榭後正宇爲蔚
秀涵清後爲流文亭藥珠院之西過紅橋北爲集鳳軒軒前連房
中爲穿堂門門北有正殿殿後稍左爲月崖其右有亭爲錦陂度
河橋西爲俯鏡清流暢春園冊 舊聞考由俯鏡清流穿堂門
西出循河而南卽大西門延樓四十二楹其
外卽西花
園之馬廐集鳳軒後河橋西爲開口門開口北隨牆設小門西
北一帶構延樓自西至東北角上下共八十有四楹西樓爲天馥
齋內建崇基中立坊自東轉角樓再至東面樓共九十六楹中樓
爲雅玩齋天馥齋東爲紫雲堂暢春
園冊堂之西過穿堂北爲西北
門卽苑牆外也自
玩芳齋至此爲

暢春園西路再西則爲

西花園矣

舊聞考
七十六

樂善園在西直門外高粱橋之北宮門內正宇爲

倚虹堂

樂善
園冊

乾隆十六年

聖母皇太后六旬萬壽自長河至高梁橋易輦進宮因建是堂

高宗臨幸

御園每于此傳膳視事

舊聞考
七十七

堂西二里許爲

樂善園園門北向

樂善
園冊

舊爲康親王園亭頽廢已久乾隆十二

年重加修葺其上游與昆明湖相接爲龍舸所必經云

舊聞考
七十七

樂善園宮門內跨小溪南爲穿室東向曰意外味轉石徑而南爲

於此賞心內間北向爲含清齋東爲瀟碧北爲約花欄南有軒爲

雲隨波動含清齋對河敞宇爲池月岩雲中穿堂爲翠微深處內

爲

蘊真堂南宇爲氣清心遠別院有室曰鸞舉軒

樂善園冊

垣外是爲

園之南門於此賞心之西南又有一邨左有亭爲攬衆翠意外味之西穿堂爲得佳賞西爲蘭秘室再西爲環青亭碧蘭秘室之北有宇爲賞心勝地園門內有樓爲冲情峻賞東北爲紅半樓其旁峙岩上者爲踞秀亭冲情峻賞之西南有室爲畫所不到東爲掛長虹再東爲蔭林宅岫內宇爲古歡精舍園門以西臨河敞宇爲自然妙有西室爲風湍幽響再西有軒爲詩畫間爲玉潭清謚亭爲倚中趣亭北敞宇爲坐觀衆妙西出河口折而南有室爲致灑然接宇爲光碧涵暉稍東曰遠青無際後爲雲林畫意再東有軒爲心乎湛然折而南爲綠雲間

樂善園冊

西三里許爲大正覺寺正

覺寺西五里爲萬壽寺

詳寺觀門

萬壽寺之西路北設關門內有長衢

列肆北達

暢春園爲

萬壽街居人稱爲蘇州街

舊聞考
七十七

西花園在

暢春園西南垣爲進水閘水北流注于馬殿諸渠河北正殿爲

討源書屋左右室配字再後敝字爲

觀德處園西南門爲承露軒後厦爲就松室東爲龍王廟

西花園冊

西北有門卽西花園之大北門也

舊聞考
七十八

門內正宇後室舊稱爲

東書房其右爲永寧寺

詳寺觀

寺西爲虎城稍西爲馬殿再西爲

閱武樓園之前有荷花沿池分四所爲

皇子所居南所正門二門內正殿東廊門內正室西廊門內正室
南所之東爲東所正門內正殿西廊門內正室二層再西後有室

由東所而西爲中所門內正殿東廊門內有正室東爲垂花門正室二層西廊門內正室二層南所之西爲西所門內正殿西廊門內正室二層

西花
圖冊

暢春園宮門之南有菱池俗稱菱角泡子者相傳卽丹稜泚水其源自萬泉莊北流而來

詳水道

沿堤而南則達聖化寺

詳寺觀

泉宗廟在聖化寺山門外左右建橋由東開橋度河迤西爲北所宮門內正殿西院正殿左爲虛靜齋臨河爲欣稊亭自北所東橋轉西重簷宮門內正殿爲含瀉堂殿後重簷佛樓其右臨池正宇佛樓正宇爲得真齋其西爲帶岳亭東爲霖翠軒軒東爲仙楹佛樓東宇爲湛凝齋左爲敷嘉室仙楹之東爲襟嵐書屋稍南循廊而東爲賜岩樓又南敞宇曰泉石且娛心寺北門有行殿二所東距行殿二里爲東門門內爲永甯觀

詳寺觀
聖化寺冊

泉宗廟在萬泉莊繚垣三百九十四丈廟南爲池左右立坊二廟門榜曰

泉宗廟內爲

涵澤門門內正殿左右配殿殿後爲

樞光閣

泉宗廟冊

廟東西亭苑兩所門內碑亭二西亭恭勒

御製泉宗廟記碑陰恭勒

御製詩東亭恭勒丁亥乙未

御製詩

舊聞考七十九

東所內院中南宇稍南爲

曙觀樓樓西山後有敞室東北爲挹源書屋右有六方亭南爲觀瀾亭亭北爲扇箔室東爲向綠軒北爲主善堂堂西爲秀舉樓右有正廳堂北爲湛虛樓

樞光閣右廊而西正廳曰依綠軒軒南爲輝淵榭東接樂清館榭

之南建石坊二駕以石橋橋外稍東方亭曰津逮亭樂清館之南爲碑亭西南敞廳曰

愛景庭後爲集遠堂樂清館之西有正宇西爲苑之西罩門泉

冊樂清館之南碑亭內恭勒

御製萬泉莊記碑陰恭勒

御製詩舊聞考七十九廟內外淙泉之處

高宗各錫嘉名立石以志其在廟門之外者凡三南曰大沙泉小沙泉北曰沸泉廟內東所屬宇對岸曰澆泉曰屑金泉曙觀樓後曰冰壺泉錦澗泉規泉山後度虹橋曰露華泉鑑空泉印月泉觀澗亭畔曰藕泉躍魚泉松風泉扇涼室後爲晴碧泉白榆泉向綠軒後畔曰桃花泉主善堂之西曰琴脈泉秀舉樓之右曰杏泉澹泉再南曰瀏泉樞光閣東配殿南爲洗鉢泉西所依綠軒右曰浣

花泉輝淵榭之南曰漱石泉橋畔曰乳花泉漪竹泉柳泉楓泉雲

津泉樂清館之南方池曰月泉西曰貫珠泉凡二十有八皆

高宗御書

泉宗廟冊 嬰講海淀清華園咸晚李侯之別業也

焉淀之水溢觴一勺都人米仲詔藩之築為勺園李乃構園於上

流而規制有加米顏之曰清華初至見茅屋數間入重門境始大

池中金鱗長至五尺別院二邃麗各極其致為樓百尺對山瞰湖

堤柳長二十里亭曰花聚芙蕖繞亭五六月見花不見葉也池東

百步置斷石石紋五色佚者尺許修者百丈西折為閣為飛橋為

山洞西北為水閣疊石以激水其形如簾其聲如瀑禽魚花木之

盛而中無以過也雪後聯木為冰船上施軒幕圍壚其中引觴酌

炙以一二十人挽船走冰上若飛視雪如銀浪放乎中流令人謦

袂凌越未知瑤池玉宇又何如爾 長安客話北淀有園一區水

曹郎米萬鍾仲詔新築也曰勺園又曰風煙里中有日色空天日
太乙葉曰松地曰翠葆樹曰林於澤都人稱曰米家園 燕都游
覽志勺園徑曰風煙里入徑亂石磊柯高柳蔭之南有陂陂上橋
日纓雲集蘇子瞻書下橋為屏牆牆上石曰雀浜勒黃山谷書折
而北為文水陂跨水有齋曰定舫舫西高阜題曰松風水月阜斷
為橋曰逶迤梁主人所自書也踰梁而北為勺海堂吳文仲篆堂
前怪石蹲焉枯子松倚之其右為曲廊有屋如舫曰太乙葉遇
皆白蓮花也東南皆竹有碑曰林於澤有高樓湧竹林中曰翠葆
樓鄒迪光書下樓北行為槎枒渡亦主人自書又北為水榭最後

一堂北窗一拓則稻畦
千頃不復有源垣焉

圓明園在掛甲屯之北距

暢春園里許

國明
園冊

爲

世宗憲皇帝藩邸

賜園康熙四十八年所建園內爲門十八南曰

大宮門曰左右門曰東西夾道門曰東西如意門曰福園門曰西
南門曰水關門曰藻園門東曰東樓門曰鐵門曰明春門曰隨牆
門曰藥珠宮門西曰隨牆門正北曰北樓門爲關三西南爲一空
進水關東北爲五空出水關西北爲一空出水關

大宮門前輦道東西皆有湖是爲前湖

詳水
道

門前左右朝房其後

東爲宗人府內閣吏部禮部兵部都察院理藩院翰林院詹事府
國子監鑾儀衛東四旗各衙門直房東夾道內爲銀庫又東北爲

南書房東南爲檔案房西爲戶部刑部工部欽天監內務府光祿寺通政司大理寺鴻臚寺太常寺太僕寺

御書處

上駟院武備院西四旗各衙門直房西夾道之西南爲造辦處又南爲藥房

大宮門內爲出入賢良門門左右爲直房前跨石橋度橋東西朝

房西南爲茶膳房再西爲繙書房東南爲清書房爲軍機處

明園

冊舊間考出入賢良門是爲二宮門凡武職侍衛引見御此門較射左右直房爲各部院臣工入直之所東西設兩軍門各倚門奏事山東軍門遷進茶膳房太監人等由西軍門出入

正大光明殿東西有配殿後爲

壽山殿東爲洞明堂

正大光明殿東爲

勤政親賢正殿

圖明園冊 舊聞考 勤政親賢四十景之一

勤政親賢之東爲飛雲軒東有閣爲靜鑑其北爲懷清芬又北爲秀木佳蔭軒後爲生秋庭靜鑑閣東爲芳碧叢後爲

保合太和正殿後爲富春樓樓東爲竹林清響

正大光明殿後有湖亦稱前湖湖正北爲

圓明園殿後爲

奉三無私殿又後爲

九州清宴殿

圖明園冊 舊聞考九 九州清宴殿四十景之一 東爲

天地一家春西爲

樂安和又西爲清暉閣閣前爲露香齋左爲茹古堂爲松雲樓右爲

涵德書屋

圖明 別爲清暉閣四景 皇朝通志 都邑略

樓月開雲在富春樓之後圖明園册舊聞考原名牡丹臺即

紀恩堂康熙壬寅

高宗觀

聖祖于斯堂之內承奉

恩旨養育宮中乾隆三十一年

御題額為紀恩堂呈朝通志都邑略後字為

御蘭芬

樓月開雲後有池一區池西北方樓為

天然圖畫樓圖明園册舊聞考天然圖畫四十景之一也北為

朗吟閣又北為竹邁樓東為

五福堂迤北為竹深荷淨其東南為靜知春事佳又東渡河為蘇

堤春曉

五福堂渡河而北山阜旋繞內爲

碧桐書院

圓明園冊 舊聞考 碧桐書院四十景之一

其西巖石上爲雲岑亭

碧桐書院之西爲

慈雲普護

圓明園冊 舊聞考 慈雲普護四十景之一

前殿南臨後湖爲歡喜佛場其

北樓宇有

慈雲普護額上奉

觀音大士下祀

關聖帝君東偏爲

龍王殿祀

圓明園昭福龍王

慈雲普護之西臨湖有樓爲

上下天光

圓明園冊 舊聞考 上下天光四十景之一

左右各有六方亭後爲

平安院

上下天光之西折而南渡橋爲

杏花春館

圖明園冊 舊聞考 杏花春館四十景之一

西北爲春雨軒軒西爲杏花邨

邨南爲礪壑餘清春雨軒後東爲鏡水齋西北室爲抑齋又西爲

翠微堂

杏花春館之西度碧瀾橋爲

坦坦蕩蕩

圖明園冊 舊聞考 坦坦蕩蕩四十景之一

三楹爲素心堂後宇爲光風霽

月堂東北爲知魚亭又東北爲萃景齋西北爲雙佳齋

圖明園冊 坦

坦蕩蕩之南爲

茹古涵今

圖明園冊 舊聞考 茹古涵今四十景之一

其後方殿爲韶景軒韶景軒前

東爲茂育齋西爲竹香齋又北爲靜通齋茹古涵今之南爲

長春仙館爲

高宗舊時

賜居其後恭值佳辰令節迎奉

安輿駐居斯館焉

圓明園冊 舊同考
長春仙館四十景之一

長春仙館之西爲含碧堂五楹堂後爲林虛桂靜左爲

古香齋其東楹有閣爲

抑齋林虛桂靜東稍南爲墨池雲後有殿爲

隨安室由

長春仙館西南門迤西爲

藻園內爲曠然堂堂後爲貯清書屋曠然堂東池上爲夕佳書屋
稍北爲鏡瀾榭東南樓爲凝眺爲懷新館西北爲湛碧軒西南爲

湛華

萬方安和

圓明園冊 舊同考
萬方安和四十景之一 在

杏花春館西北建宇池中形如卍字

萬方安和後度橋折而東稍北石洞之南爲

武陵春色

圓明園冊 舊聞考 武陵春色四十景之一

舊總名桃花塢雍正四年

高宗讀書于此顏曰

樂善堂旋移居於長春仙館池北軒爲壺中日月長東爲天然佳妙其南廡爲洞天日月多佳景

武陵春色之西爲全璧堂東南亭爲小阮棲遲堂後由山口入東爲清秀亭西爲清會亭北爲桃花塢塢之西室爲清水濯纓又西稍北爲桃源深處塢東爲綰春軒軒東北爲

品詩堂

萬方安和西南爲

山高水長樓

圓明園冊 舊聞考 山高水長四十景之一

其地爲外藩朝正錫宴及平

時侍衛較射之所每歲燈節則陳火戲於此西向九楹後擁連岡前帶河流中央地勢平行凡數頃

山高水長之北度橋由山口入梵剎一區爲

月地雲居殿

圓明園冊舊聞考月地雲居四十景之一

前殿方式四面各五楹後樓

上下各七楹

月地雲居之東爲法源樓又東爲靜室西度橋折而北爲劉猛將軍廟

月地雲居之後循山徑入爲

鴻慈永祐

圓明園冊舊聞考鴻慈永祐四十景之一

安佑宮前琉璃坊座南面額也左右石華表各一坊南及東西復有三坊環列其南爲月河橋又東南爲

致孚殿

宮門爲

安佑門門前白玉石橋三座左右井亭各一朝房門內重檐正殿爲

安佑宮配殿碑亭各一燎亭各一

圖明

建自乾隆七年

高宗恭仿

壽皇殿之製敬奉

聖祖

世宗聖容歲時朔望瞻禮於茲

鴻慈永祐之前三坊南曰夔牆懷慕曰雲日瞻依東曰勲華式煥日謨烈重光西曰德配清甯曰功隆作述

鴻慈永祐後垣西北爲紫碧山房前宇爲橫雲堂山房東巖洞爲石帆室東南爲豐樂軒北爲齊華樓迤東爲景暉樓橫雲堂西

池上爲澄素樓西北爲引溪亭

鴻慈永祐東垣外逕連岡三重度橋而東則

業芳書院

圖明園冊 舊同考 業芳書院四十景之一

內宇爲抒藻軒後爲涵遠齋齋

前西垣內爲翠照樓東垣內爲倬雲樓又東爲眉月軒倬雲樓南稍東爲隨安室又東敞宇三楹爲問津逾溪橋數武有石坊爲斷橋殘雪

業芳書院之南爲

日天琳宇

圖明園冊 舊同考 日天琳宇四十景之一

西前樓下之正宇也其制有中

前樓中後樓上下各七楹有西前樓西後樓上下各七楹前後樓間穿堂各三楹中前樓南有天橋與樓相屬天橋東南重簷入方者爲燈亭西前樓南爲東轉角樓又西稍南爲西轉角樓中前樓之東垣內八方亭爲楞嚴壇又東別院爲

瑞應宮前爲仁應殿中爲和威殿後爲晏安殿

日天琳宇迤東稍南稻田彌望河水周環中有田字式殿凡四門其東北面皆有樓北樓正宇爲

澹泊甯靜

圓明園冊
澹泊甯靜四十景之一

舊聞考

東爲曙光樓殿之東門外爲翠

挾樓西門外別垣內宇爲多稼軒其東臨稻畦者前爲觀稼軒後爲怡情悅目爲稻香亭又東稍北爲溪山不盡爲蘭溪阮玉多稼軒西池南爲水精域西偏爲靜香書屋爲招鶴磴池後東北爲寸碧西北爲引勝正北爲互妙樓別爲多稼軒十景

澹泊甯靜渡河橋而西爲

映水蘭香

圓明園冊
映水蘭香四十景之一

舊聞考

東南爲釣魚磯北爲印月池池

北爲知耕織又北稍東爲濯鱗沼

映水蘭香西南爲貴織山堂祀蠶神

映水蘭香東北爲

水木明瑟

圖明園冊 舊聞考
水木明瑟四十景之一

水木明瑟之北稍西爲文源閣乾隆二十九年建以貯

四庫全書閣前石爲珍峰刊

御製文源閣詩閣東亭內石碣刊

御製文源閣記閣西爲柳浪聞鶯

水木明瑟西北環池帶河爲

濂溪樂處

圖明園冊 舊聞考
濂溪樂處四十景之一正殿後爲雲香清勝東垣爲芝

荷深處折而東者爲香雪廊其東有樓爲雲霞舒卷樓北亭爲臨

泉

濂溪樂處之南爲景萬總春之廟以祀花神正殿爲蕃育羣芳殿

東北樓爲香遠益清樓西爲

樂天和爲

味真書屋又西爲池水共心月同明廟東沿山徑出爲

普濟橋

濂溪樂處迤北對河外稻塍者爲

多稼如雲

圓明園冊 舊聞考 多稼如雲四十景之一

前宇爲芰荷香正宇東稍南有

室爲灌綠

多稼如雲東北爲

魚躍鳶飛

圓明園冊 舊聞考 魚躍鳶飛四十景之一

四面爲門東廂爲暢觀軒西南

爲鋪翠環流樓南有室爲傳妙又南出山口爲多子亭

魚躍鳶飛之東禾疇彌望河南北岸仿農居邨市者爲

北遠山邨

圓明園冊 舊聞考 北遠山邨四十景之一

北岸石垣西偏爲蘭野後爲繪

雨精舍其西南爲水邨圖又西有樓前後相屬前爲皆春閣後爲

稻涼樓又西爲涉趣樓右爲湛虛書屋

北遠山邨東北度石橋折而西爲湛虛翠軒又西爲耕雲堂又西爲若帆之閣湛虛翠軒東數十武有

關帝廟

北遠山邨西南有室臨河西向爲

西峰秀色

國明園冊 舊聞考 西峰秀色四十景之一

河西松巒峻峙爲小匡廬後有

龍王廟

西峰秀色之東爲含韻齋又東爲一堂和氣又東南爲自得軒後垣東爲鼠鏡舫西爲花港觀魚

西峰秀色迤東東西船塢各二所北岸爲

四宜書屋卽安瀾園之正宇

國明園冊 舊聞考 四宜書屋四十景之一

高宗於其地略仿海甯陳氏安瀾園之意因以命名

舊聞考

東南

爲莊經館又南爲采芳洲其後爲飛睇亭東西爲綠帷舫

四宜書屋西南爲無邊風月之閣又西南爲涵秋堂北爲煙月清
眞樓樓西稍南爲遠秀山房樓北度曲橋爲染霞樓大小共爲安
瀾園十景

四宜書屋之東臨池樓宇爲

方壺勝境

國朝園冊
方壺勝境四十景之一

舊聞考

南建坊二其北樓宇爲噉鸞殿

又北爲瓊華樓噉鸞殿東爲蕊珠宮宮南爲船塢後有龍王廟

方壺勝境西北爲三潭印月又西北度橋爲天宇空明其後爲澄

景堂堂東爲青曠樓樓西爲華照樓

澡身浴德在福海西南隅卽澄虛榭也

國朝園冊

舊聞考
澡身浴德四十景之一

福海亦稱東湖周廣凡數頃正宇向南爲含清暉北爲涵妙識折而

西向爲靜香館又西爲解慍書屋西南爲曠然閣

操身浴德之北度河橋爲望瀛洲其北爲深柳讀書堂堂北爲溪

月松風

平湖秋月

國明園冊 舊聞考 平湖秋月四十景之一

在福海西北隅正宇三楹西爲

流水音東北出山口臨河爲花嶼蘭皋折而東南度橋爲兩峰插

雲又東南爲山水樂其北爲君子軒爲藏密樓

蓬島瑤臺

國明園冊 舊聞考 蓬島瑤臺四十景之一

舊名蓬萊洲在福海中央門內

正殿殿前東爲暢襟樓西爲神州三島東偏爲隨安室西偏爲日

口平安報好音由

蓬島瑤臺東南度橋爲東島有亭爲瀛海仙山西北度橋爲北島

正宇曰

接秀山房

國明園冊 舊聞考 接秀山房四十景之一

在福海東隅正宇三楹西向後

稍東爲琴趣軒其北方樓爲尋雲東南爲澄練樓樓後爲怡然書

屋尋雲樓稍東佛室爲安隱幢

接秀山房之南爲攬翠亭

接秀山房之南有攸字北依山南臨河爲

別有洞天

圓明園冊
別有洞天四十景之一

西爲納翠樓西北爲水木清華

之開閣西稍北爲時賞齋

別有洞天迤西爲

夾鏡鳴琴

圓明園冊
夾鏡鳴琴四十景之一

南爲聚遠樓東爲廣育宮中奉

碧霞元君前建坊座後爲凝祥殿宮東爲南屏晚鏡又東度橋爲

西山入畫爲山容水態

夾鏡鳴琴之西爲湖山在望爲佳山水爲洞裏長春

涵虛朗鑒

圓明園冊
涵虛朗鑒四十景之一

在福海東卽雷峰夕照正宇其

北稍西爲惠和春又東北爲尋雲榭又北爲貽蘭庭爲會心不遠

其南爲臨眾芳爲雲錦墅爲菊秀蘭蕙爲萬景天全

園明

福海

西北隅平湖秋月之西爲

廓然大公

園明園冊 舊聞考 廓然大公四十景之一

前爲雙鶴齋西北爲規月橋東

北爲綺吟堂又北爲採芝徑又北徑巖洞而西爲峭蒨居北垣門
外有樓爲天真可佳峭蒨居西爲披雲徑又西亭爲啟香又西稍
南爲韻石宗西北平臺臨池爲芰荷深處垣外爲影山樓雙鶴齋
西爲環秀山房西北爲臨湖樓

園明

別爲廓然大公八景

通志 都邑

略

坐石臨流

園明園冊 舊聞考 坐石臨流四十景之一 在

水木明瑟東南

澹泊甯靜之東溪水周環軒宇西向

坐石臨流東南當碧桐書院正東爲

麴院風荷

圖明園冊 舊聞考 麴院風荷四十景之一

五楹南向其西佛樓爲洛伽勝

境

麴院風荷之南跨池東西橋九空坊楔二西爲金鼈東爲玉螭金鼈西南河外室爲四圍佳麗玉螭東有亭爲飲練長虹又東南度橋折而北設城關爲甯和鎮其東爲東樓門

麴院風荷之北爲同樂園其前爲清音閣東爲永日堂中有南北長街街西爲抱樸草堂街北度雙橋爲舍衛城前樹坊楔三城南面爲多寶閣內爲山門正殿爲壽國壽民後爲仁慈殿又後爲普福宮城北爲最勝閣

洞天深處

圖明園冊 舊聞考 洞天深處四十景之一

在如意館西稍南前字乃

諸皇子所居爲四所東西二街南北一街前爲福園門四所之西爲

諸皇子肄業之所前爲前天垂貺中爲中天景物東宇爲斯文在

茲中祀至聖先師後爲後天不老

圖明冊

長春園在

圓明園東本

圓明園東垣外隙地舊名水磨邨就添殿宇數所敬依

長春仙館

賜號錫名曰

長春園宮門外東西朝房正殿爲

潛懷堂後爲衆樂亭亭後河北敞宇爲雲容水態其西稍南爲長

橋

長春園冊

舊聞考園內諸河之水由

圓明園東垣之雲

容水態西北循山徑入建琉璃坊楔三其北宮門內爲

含經堂後爲清化軒又後爲蓮真齋

含經堂東爲霞翥樓又名味腴書屋爲淵映齋堂西爲焚香樓爲涵光室

潛懷堂迤西濱河水石之間爲菴園門西向

長春園冊

門左碑亭一

刊重摹梅石碑標勝亭西壁勒

高宗御製菴園八景詩

舊聞考

內爲朗潤齋其東爲湛景樓又東爲

菱香泚朗潤有石立於園門內爲青蓮朵齋東南山池間爲漂勝亭又東南爲別有天西北爲韻天琴南角門別院爲委宛藏

菴園後河北岸爲

思永齋齋北樓宇臨池爲山色湖光共一樓齋東別院爲小有天園

思永齋西稍南河外爲得全閣南爲寶雲樓北爲遠風樓齋北河池衆匯中有圓式崇基其上樓宇三層爲海嶽開襟四旁坊榭各

一海嶽開襟之西河池外有亭爲流香渚亭北爲罨畫溪流香渚之西循山徑行卽達

圓明園內之明春門海嶽開襟東北爲諸奇趣東爲法慧寺山門寺東爲寶相寺

詳寺觀

山寶相寺度城關而東迤南爲翠交軒軒下

石室爲熙春洞北爲愛山樓又北爲澤蘭堂愛山樓東北爲平瞻

交遠風南爲轉湘帆平瞻交遠風之東爲蕙芳榭後爲琴清齋叢

芳樹之東爲獅子林爲虹橋爲假山爲納景堂爲清閨閣爲藤架

爲磴道爲古峰亭爲清淑齋爲小香幢爲探真書屋爲延景樓爲

雲林石室爲橫碧軒爲水門

長春園冊

皇初通志納景堂清

眞書屋諸勝爲

獅子林之南爲玉玲瓏館正宇爲正誼明道北爲

林光澹碧東爲鶴安齋西南爲蹈和堂玉玲瓏館之南爲昭曠亭

亭東南爲映清齋東爲鑑園做宇西向北爲漱瓊齋其東爲師磐

堂

長春
堂冊

鑑園之後有船塢

舊聞
考

由鑑園北折而東為東宮門亦

稱大東門南北有朝房其外為護河有石橋鑑園西南為如園門

門內為敦素堂堂北稍東為冠霞閣又東為明漪樓

長春
冊
由如

園山徑西行即

澹懷堂之東垣門

舊聞
考

清漪園在萬壽山之麓

圓明園西二里許前為昆明湖乾隆十五年疏導玉泉諸派匯于

西湖易名曰昆明湖中設戰船仿福建廣東巡洋之制香山健銳

營弁兵於湖內按期水操就昆明湖擬岸為園

賜名清漪園

皇朝通
志
卷一百一十五

宮門東向門內南北朝房駕以石梁下為溪河左右單門內有內

朝房亦南北向內為

勤政殿殿後北達怡春堂西爲玉潤堂北爲宜芸館館西爲樂壽堂堂後折而西爲方池池北爲樂安和樂安和西北爲養雲軒軒後爲養秀亭亭西爲無盡意軒又西稍北爲圓則齋無盡意軒之西爲

慈福樓樓後崇臺上石幢勒萬壽山昆明湖六字後刊

御製昆明湖記樓西爲

大報恩延壽寺寺西爲羅漢堂堂後爲寶雲閣詳寺觀西爲邵窩

爲雲松巢又西爲澄輝閣閣東南有三層樓樓西爲聽鸛館館西

爲石丈亭爲石舫石舫之北有樓爲延清賞西爲曠觀齋又西爲

水周堂自此以北建城關額曰宿雲檐曰貝闕上有樓祀關聖循

城關以北折而西是爲園之西門矣清漪園冊怡春堂後城關迤北

爲

惠山園規制仿寄暢園建有

高宗御製惠山八景詩園門西向門內池數畝池東爲載時堂其北爲墨妙軒園池之西爲就雲樓稍南爲澗碧齋池南折而東爲水樂亭爲知魚橋就雲樓之東爲尋詩徑徑側爲涵光洞迤北爲霽清軒軒後有石峽卽園之東北門園西爲雲繪軒軒東爲延緣軒後廊有樓爲

隨安室雲繪軒又西爲花承閣閣後爲多寶琉璃塔西北度橋爲城關樓又西折而北爲園之北樓門門在萬壽山之北門外東西朝房內爲直房其南爲長橋後爲雲會寺

詳寺觀

寺北爲構虛軒又

西爲繪芳堂構虛軒西南爲清可軒又西爲味閒齋齋北爲綺望軒繪芳堂北隔河爲嘉蔭軒昆明湖東西爲長隄東隄之北爲文昌閣其南爲廓如亭亭西爲長橋又南爲繡漪橋廊如亭西度長

橋爲廣潤祠

詳祠祀

祠西爲鑑遠堂東北爲望蟾閣繡漪橋北湖中

圓島山爲鳳凰墩西隄之北爲柳橋爲桑苧橋中爲玉帶橋稍南爲鏡橋爲練橋再南爲界湖橋橋之北爲景明樓景明樓西南湖中爲

藻鑑堂堂西湖岸爲

暢觀堂堂西北湖中圓城爲門四其上爲治鏡閣治鏡閣北湖岸

爲延賞齋北爲織染局

清湖局冊

局內前爲織局後爲絡絲局西爲

蠶戶房環植以桑又西隔玉河皆稻田河水自此西接玉泉爲

靜明園界

舊聞考

靜明園在玉泉山之陽園西山勢窈深靈源濬發奇微鈞突是爲玉泉山麓舊傳有金章宗芙蓉殿址無考惟華嚴呂公諸洞尙存康熙十九年建初名澄心三十一年始易今名

高宗御製十六景詩

舊聞考

宮門南向門外東西朝房左右罩門二前為高水湖

宮門內為

廓然大公

靜明園冊

舊聞考

正殿東西有配殿

廓然大公之北臨後湖湖中為

芙蓉晴照

靜明園冊

舊聞考

芙蓉晴照為十六景之一西為虛受堂堂西山畔有泉

為

玉泉趵突

靜明園冊

舊聞考

玉泉趵突為舊稱玉泉垂虹第

垂虹以擬瀑泉則可若玉泉則從山根仰出噴薄如珠寶與趵突

之義院合泉上碑二左刊天下第一泉五字右刊

高宗御製玉泉山天下第一泉記汪由敦敬書石臺上復立碣二

左刊玉泉趵突四字右勒

上諭一道

舊聞考

其上為龍王廟廟南循石徑而入為

竹爐山房仿惠山聽松庵製得名

通志都邑略

舊聞考

竹南為

開錦齋後為觀音洞其上為賞過樓觀音洞之南為真武廟後為

呂祖洞旁為

雙關帝廟迤南為

聖因綜繪

靜明園冊

仿西湖行宮景得名

通志都邑略

舊聞考聖

其西為寫流軒軒後為層明宇又西為福地幽居後為冠峰亭福

地幽居之西梵宇為華藏海又西為

繡壁詩態

靜明園冊

舊聞考繡

繡壁詩態之西為

溪田課耕

靜明園冊

舊聞考溪

繡壁詩態之北為水月庵又東為城關北為

仁育宮詳寺觀

仁育宮之北為

清涼禪窟靜明園冊舊聞考清涼禪窟為十六景之一後為嘉蔭堂東為霞起樓西

為犁雲亭

仁育宮前迤西度橋為園之

西宮門門外左右朝房中為石橋橋西即達香山之

蹕路也

清涼禪窟之北為涵漪齋西為飛淙閣東為練影堂稍南為挂瀑

簷涵漪齋之西夾牆門外為妙喜寺詳寺觀自妙喜寺以西為

靜宜園界舊聞考

清涼禪窟之北為

采香雲徑靜明園冊舊聞考采香雲徑為十六景之一其南有樓曰靜怡書屋

采香雲徑稍北折而東爲招鶴亭南爲

峽雪琴音

靜明園冊 舊聞考峽雪琴音爲十六景之一

峽雪琴音迤南山巔爲

玉峰塔影

靜明園冊 舊聞考玉峰塔影爲十六景之一

塔建峰巔仿金山妙高峯之

制前爲清嚴寺後爲妙高室

玉峰塔影之後北峰上爲妙高寺殿後爲妙高塔又後爲該妙齋

崇需軒在妙高峰之西其東爲含醑室後爲詠素堂含經堂在妙

高寺東山麓其東北臨溪爲書畫舫含經堂南有樓爲

風篁清聽

靜明園冊 舊聞考風篁清聽爲十六景之一

東爲如如室西爲迎青閣又

西稍南爲飛雲巘

風篁清聽之西度橋而南爲池池東爲延緣廳池西爲漱遠緣爲

試墨泉又西爲

鏡影涵虛

靜明園冊 舊聞考鏡影涵虛爲十六景之一

南爲分鑑曲又南爲寫琴廊

爲觀音閣寫琴廊迤南爲含暉堂後有清音齋齋前爲

裂帛湖光

靜明園冊 舊聞考裂帛湖光爲十六景之一

齋西山麓爲碧雲深處東爲

心遠閣由閣折而北爲羅漢洞又上爲水月洞又西山麓爲古華

嚴寺寺後爲

雲外鐘聲

靜明園冊 舊聞考雲外鐘聲爲十六景之一

東爲伏魔洞碧雲深處迤南

爲

翠雲嘉蔭

靜明園冊 舊聞考翠雲嘉蔭爲十六景之一

卽華滋館門額也後爲翠雲

堂京爲甄心齋

翠雲嘉蔭之東爲小南門稍南爲

東宮門門外左右朝房圍南宮門西南爲影湖樓小東門外長隄
石橋上建石坊二迤東爲界湖樓橋下水北注玉河沿河皆稻田

又北爲石道逶迤至青龍橋卽達

清漪園之

輦道也

舊聞考
八十五

靜宜園在香山名勝若來青軒洪光寺諸處及婆羅寶樹皆昔蒙
聖祖仁皇帝臨幸乾隆十年重修葺

御製二十八景詩

舊聞考
八十五

園前爲城關二由城關入東西各建坊

楔中架石橋下爲月河度橋左右朝房宮門內爲

勤政殿

靜宜園冊
政殿爲二十八景之一

舊聞考勤

南北配殿殿前爲月湖北爲致

遠齋齋西爲韻琴齋爲聽雪軒東有樓爲正直和平

勤政殿後西爲橫秀館東向其南亭爲日夕佳北爲清寄軒橫秀

館後建坊座內爲

麗陽樓

靜宜園冊
陽樓爲二十八景之一

舊聞考麗

樓後爲多雲亭南爲

絳雲舫

麗鵬樓迤南爲

虛朗齋

靜宜園冊 舊聞考虛 明齋爲二十八景之一

相傳卽永安邨齋前石渠爲流

觴曲水南爲畫禪室後爲學古堂東爲郁蘭堂西爲貯芳樓又後
宇爲物外超然其外東西南北四面各設

宮門

東宮門外石路二南達香山東建城關達於帶水屏山帶水屏山
門宇南向西爲對瀑北爲懷風樓其左爲琢情之閣東南爲得一

書屋西爲山陽一曲精廬

靜宜園冊

帶水屏山瀑泉自雙井迤邐東

注至是匯爲池

舊聞考入十五

帶水屏山之西爲

環珞巖

靜宜園冊 舊聞考環珞巖爲二十八景之一

其上廳宇爲絳雲深處巖東稍

南爲

翠微亭

靜宜園冊 舊聞考翠微亭為二十八景之一 亭東有亭為

青未了

靜宜園冊 舊聞考青未了為二十八景之一 迤西巖際為

馴鹿坡

靜宜園冊 舊聞考馴鹿坡為二十八景之一 迤西有龍王廟下為雙井其上

為

蟪蛄峰

靜宜園冊 舊聞考蟪蛄峰為二十八景之一 峰北稍東為松塢雲莊又東有

樓為憑襟致爽後為棲雲樓

香山寺前石橋下方池為

知樂濠

香山寺

靜宜園冊 舊聞考香山寺為二十八景之一 寺為金章宗會景樓故址

志在瓊瑤巖之西

詳寺觀 正殿門外有

聽法松

靜宜園冊 舊聞考聽法松三字鐫石欄上為二十八景之一 山門內有婆羅樹寺北

為觀音閣後為海棠院東為

來青軒

靜宜園册 舊聞考來青軒為二十八景之一

西為妙高堂軒西南為

歡喜園東西各有坊樑香山寺北稍西六方亭為

唳霜泉

靜宜園册 舊聞考唳霜泉為二十八景之一

香山寺西北由盤道上為洪光寺

詳寺觀殿左為

香岫室

靜宜園册 舊聞考香岫室為二十八景之一

寺前盤道間敞宇為

霞標磴

靜宜園册 舊聞考霞標磴為二十八景之一

磴北為

玉乳泉

靜宜園册 舊聞考玉乳泉為二十八景之一

泉西稍南為

絢秋林

靜宜園册 舊聞考絢秋林為二十八景之一

巖間巨石森列鐫題曰蘿屏曰

翠雲堆曰留青又上為觀音閣額曰鸚集崖崖旁勒仙掌二字下

有石臨泉鐫題曰羅漢影

舊聞考八十五

絢秋林北為

雨香館

靜宜園册 舊聞考雨香館為二十八景之一

後為洒蘭書屋其南林天石海

自勤政殿以迄雨香館是為內垣為景凡二十內垣凡六門曰東

南門曰東北門西曰約白門西南曰如意門西北曰中亭子門北

曰進膳門舊聞考八十五

麗陽樓北度嶺為

麗陽阿

靜宜園冊舊聞考陽阿為二十入景之一

其北坊座一東坊座一西為朝

陽洞深廣可丈餘內祀龍神後為觀音閣

瞻陽阿北為

芙蓉坪

靜宜園冊舊聞考芙蓉坪為二十入景之一

鐫題于石壁間坪西南為

香霧窟

靜宜園冊舊聞考香霧窟為二十入景之一

後為竹鑑精舍其北巖間有西

山晴雪石幢燕山八景又北為潔素履

香霧窟南稍東為

栖月崖

靜宜園冊舊聞考栖月崖為二十入景之一

其西字為得趣書屋距崖半里

許設石樓門鐫題曰雲闕崖北爲

重翠崦

靜宜園冊 舊聞考重翠崦爲二十八景之一

其下爲龍王堂堂下有泉崦東

南爲玉華寺

詳寺觀 應字爲

玉華

靜宜園冊 舊聞考玉華崦爲二十八景之一

寺北門內有石洞出泉稱玉華

泉

舊聞其東爲皋塗精舍

玉華崦西南峰石屹立上勒

高宗御題曰

森玉笏

靜宜園冊 舊聞考森玉笏爲二十八景之一

東北爲超然堂堂南爲曠覽臺

後爲碧峯館

森玉笏東北峯上有亭爲

隔雲鐘

靜宜園冊 舊聞考隔雲鐘爲二十八景之一

自晞陽阿以迄隔雲鐘是爲外

垣爲景凡八

舊聞考

外垣之北別垣內佛宇爲宗鏡大昭之廟

詳寺觀

廟北度石橋為

正凝堂堂北為暢風樓正凝堂迤北為碧雲寺

詳寺觀

寺北為涵碧

齋後為雲容水態為洗心亭又後為試泉悅性山房

靜宜園冊

良鄉縣

行官在縣北五里黃新莊乾隆十三年建為謁

陵駐蹕之地

良鄉楊志

郊勞臺在縣南三里乾隆二十五年建

楊志

舊聞考乾隆二十年大將軍兆惠等平定

準噶爾同部奏凱於二月二十七日

行郊勞禮又乾隆四十年大將軍阿桂等平定兩金川奏凱于四月二十七日

行

禮郊勞

三河縣

行官一在縣西北

里大新莊乾隆十九年建

三河陳志

舊

有行宮乾隆十九年始移建於山迤北之大新莊

一在縣西五十里煙郊

今按煙郊鎮在縣西偏南與通

州接 乾隆二十年建 陳志 舊聞考 煙郊 行宮建自康熙

昌平州

行宮在州東三十里湯山康熙年間建 昌平宋志 一統志湯山

順義縣

行宮一在縣西 順義黃志 采訪冊縣治西從東

內計程四十里自大興縣界古柳樹一十二里至治西三家店

柔縣 一在縣西北 黃志 采訪冊縣治西北發

計程二十五里自昌平州界官莊橫道一十二里至治西北南石

槽有 行宮駐蹕從南石槽歧路三里至北里槽又十里至昌平

懷柔縣

行宮在縣南門外康熙五十三年建為

御駕往熱河避暑駐蹕之所 舊聞考 懷柔縣志先於南門外三

卽三教堂舊址改建祇園寺遂建行宮於其地康熙五十三年
增建殿宇按采訪冊御道於此自昌平州交界峯山口起五
里至南富樂五里至花莊五里至房家莊五里至駙馬莊五里至
密雲縣交界之梨園莊共二十五里嗣奉部核定二十三里先是
御駕往熱河避暑出東直門由孫侯河山峽店牛欄山經懷
柔縣之羅山店入密雲界康熙四十六年以東直門一帶道路夏
月雨水泥濘難行改自西直門外楊春苑起經蘭溝南石槽至
峯山口入懷柔縣界峯山口向惟小徑通步乃鑿石丈許平坦以
通車騎

密雲縣

行宮一在縣東門外一里劉家莊康熙二十二年建一在縣東北
三十五里羅家橋康熙五十一年建一在縣東北七十里要亭莊
康熙三十二年建密雲丁志按舊聞攷要亭一作通亭而密雲
縣册則稱姚汀今御製各詩集題皆作
要亭按水經出塞外東南流逕要陽縣城東考
要陽卽今密雲境則要亭之稱自爲近古也

涿州

行宮在南城里許乾隆十六年建涿州吳志續志道光二十六年知州郭寶勳奉文委員勘估

變價

萬壽亭同治五年重修采訪冊

霸州

行宮在州南太堡村淀神祠旁乾隆三十五年建霸州志

文安縣

行宮一在縣東二十里蘇家橋乾隆二十六年建為

御駕閱視隄工駐蹕之所文安志

皇恩亭在蘇橋北楊志又云康熙四十年聖祖巡視

勸農詔賜撫臣李光地同一在縣東北左家莊乾隆三十四

年建楊志舊聞考左家莊亦稱左各村

大城縣

行宮在縣北口口里臺頭村乾隆十四年建巡閱隄工駐蹕之所

采訪

冊

行宮一在城西四十里白澗莊乾隆十口年建趙州沈志按州

建而日下舊聞考載有乾隆九年御駕展謁御製白澗行宮詩或州

志衍十字飲再攷白澗莊為御駕展謁御製白澗行宮詩或州

之首站行宮東有香華庵庵內有乾隆十五年東陵入州境

修碑記謹釋碑文已稱茲庵附近離宮則行宮必非十八年建御製重

矣一在州北二十五里盤山玉石莊乾隆九年建沈志按日下

年謹釋御製靜寄山莊記文當以九年為是且舊聞考十九

有乾隆十二年御製十六景詩其第一一篇為靜寄山莊也

竟製詩在前建宮在後乎今從州志臣工以盤山為鑾輿上

之監山志盤山行宮居山之午方前岡如屏後嶂如展自玉上從

石莊迤邐東達於燎垣之南垣壘以女石周遭十餘里隨山徑高

下為紆直澗泉數道流垣內山下設插以時啟閉又按盤山行

宮乾隆十九年建御定內入景日靜寄山莊太古雲嵐層

巖飛翠清虛玉宇鏡圓常照眾音松吹四面芙蓉貞觀遺蹤外入

景曰天成寺萬松寺舞劍臺盤谷寺雲翠寺紫蓋峯千相寺浮石

舫按盤山瞭甲石舊聞考云在行宮西偏相傳為太宗東征瞭

甲於此凡盤山名石今各見於所在之地此石為行宮內八景

之一特附識
甲之名於此
一在州東十八里桃花山乾隆
年建一在州

東六十里葛山隆福寺右乾隆
年建
沈志按州志傳在州西

碑略隆福寺在薊州東去孝陵一舍而近則已與遵化州接壤矣
且隆福寺山名葛山為遵化
昌瑞山之支山焉得云在西也

舊聞考隆福寺右
行宮
御題六景曰翠雲山房曰翠
微堂曰碧巖丹楓曰天半舫曰抱霞叫月
踰膝作日翼然亭

華陽吳祖椿校

京師志五

光緒順天府志五

壇

廟

侯官陳壽彝江陰穆荃孫覆祿

聖王制禮必先郊廟重本也漢用方士說祀泰一五帝宗廟之外又有原廟郡國廟不經甚矣唐宋以下意在修明而分祭合祭聚訟盈庭太祖東嚮之位莫定一尊昭穆遞遷之序任情更易非聖人復起惡能窺夫制作之原者乎我

世祖章皇帝入關定鼎首以卽位告祭

天地庶事草創而

郊

廟諸大典次第釐定

高宗純皇帝恢而廣之考經義易制度俎豆尊彝親加審定紹姬

孔之精心續豐鎬之逸典盛哉莫與京已况遼金元明繼宅茲土
天地神祇咸數百年歆享於此禋祀之長久亦古所無也志

壇

廟

天壇在正陽門外南郊形圓象天南嚮三成上成徑九丈高五尺
七寸二成徑十有五丈高五尺二寸三成徑二十一丈高五尺上
成石面九重自一九環贅遞加至九九二成自九十遞加至百六
十有二三成自百七十有一遞加至二百四十有三合一三五七
九陽數每成四出陞皆白石九級上成石闌七十有二二成百有
八三成百八十合三百六十周天之度柱如之內壇形圓周百有
六丈四尺高五尺九寸壇門四皆六柱三門柱及欄闕皆白石扉
皆朱欄壇外東南丙地燔柴爐一高九尺徑七尺贅以綠琉璃座

坎一東南燎爐五西南燈杆三外壇形方周二百十丈一尺高八尺六寸門制與內壇同燎爐四分設於壇東西門之左右壇北爲皇穹宇正中南嚮環轉八柱圓檐上安金頂基高九尺徑五丈九尺九寸石闌四十有九東西南三出陛各十有四級左右廡各五間一出陛殿廡覆瓦均青色琉璃圍垣形圓周五十六丈六尺八寸高丈有八寸南設三門崇基石闌前後三出陛各五級外壇東門外東北隅

神庫

神厨各五間井亭一祭器庫樂器庫稷薦庫各三間又東爲宰牲亭井亭各一壇外垣門四東曰泰元南曰昭亨西曰廣利北曰成貞皆朱扉金釘縱橫各九昭亨門外東西石坊各一

祈年殿在成貞門北壇圓三成南嚮上成徑二十一丈五尺二成

經二十三丈二尺六寸三成徑二十五丈面甃金磚圍以石石闌
四百二十南北三出陞東西一出陞上成二成各九級三成十級
壇上建

祈年殿制圓內外柱各十有二龍丹柱四檐三重上金頂左右廡
各九間均覆青琉璃前爲

祈年門崇基石闌前後三出陞各有一級門外東南燔柴鑪一
坎一燎鑪五制如

園丘

祈年殿
享殿大享門

乾隆十六年改今名

內壇周百九十丈七尺二

寸門四北門後爲

皇乾殿五間上覆青琉璃南嚮正面三出陞東西一出陞各九級
石闌五十有九內壇東門外長廊七十二間二十七間至

神厨井亭又四十五間至宰牲亭爲祭時進俎豆避雨雪之用壇

外圍垣東西北三面各有門南接成貞門成貞門外西北爲

齋宮東嚮正殿五間崇基石闌三出陞陞前左設齋戒銅人石亭
一右設時辰牌石亭一後殿五間左右配殿各三間內宮牆方百
二十三丈九尺九寸中三門左右各一門牆外環地前跨石梁三
左右各一東北隅鐘樓一外宮牆方一百九十八丈二尺環以迴
廊一百六十三間復繞以深池宮門石梁均與內同

大清會典
七十一

神樂署東嚮正中凝禧殿五間崇基三出陞各六級左右步廊各
二間後顯佑殿七間左右各三間殿後袍服庫二十三間典禮署
奉祀堂南北各三間左右門各三間左門東通贊房恪恭堂各三
間正倫堂候公堂各五間南轉穆僖所三間右門東掌樂房協律
堂各三間教師房伶倫堂各五間北轉昭僖所三間前後均舨檐
通脊正門三間三出陞各四級圍牆東西四十四丈四尺南北二

十丈七尺二寸

神樂署舊名神樂觀乾隆二十年改今名儀牲所
凝禧殿舊名太和殿康熙十二年改今名

南嚮大門三間花門一座正房十有一間中三間奉司儀牲神左
右牧夫房各二間牛房各二間後屋十有六間內滿漢所牧房各
三間所軍房一間貯草房五間草夫房四間東邊兩重四十八間
內貯料房二間貯草房三間牛房十有五間羊房五間鹿房二十
間兔房三間西邊一重十有五間內庫房一間泡料房磨房各二
間豕房五間牛房五間鹿檻牛枋均分列屋之左右西北隅官廳
三間東嚮井一北門一間圍牆東西五十二丈南北五十二丈五
尺壇外垣前方後圓周千九百八十七丈五尺高一丈一尺五寸
址厚八尺頂厚六尺西嚮門一三間角門一會典事例六明嘉靖
九年定分祀天地之議於大祀殿南建

園丘

本朝因之重加繕治其制益備乾隆十四年

上以

園丘壇位張帳次陳祭器處宜量加寬廣

命仍九五之數而展拓焉十八年復鼎新

南郊壇宇一切規模稟承

指示凡崇卑之制象色之宜無不斟酌盡善仰見

聖心昭格之虔至周至悉云

日下舊聞
考五十七

順治元年七月癸巳

世祖章皇帝以定鼎燕京遣官告祭

上帝十月乙卯朔

親祀京師

南郊告祭

天

地

卽皇帝位祝曰大清國皇帝臣口口敢昭告於

皇天

后土

帝鑒無私眷隆有德我

皇祖寵膺

天命肇造東土建立丕基及我

皇考開國承家恢宏大業臣以眇躬續承鴻緒值明祚將終姦雄
竄起以致生靈塗炭俟望東蘇臣欽承

祖宗功法倚任親賢爰整六師救民水火掃除暴虐撫輯黎元內
外同心大勦克集因茲定鼎燕京以綏中國臣工眾庶僉云
神助不可違輿情不可負宜登大位表正萬邦臣祇荷

天眷以順民情於本年十月初一日告

天卽位仍用大清國號順治紀元率由初制伏維

天

地佑助早靖禍亂載戢干戈九州悉平登進仁壽俾我大清皇圖
永固爲此祈禱伏惟

欽翼謹告

會典事例五百二十六

歲以冬至日大

祀

天於

圜丘奉

列聖神位配饗

日

月

星辰

雲雨風雷從祀均設青幄

禮部則例一百八

每歲以正月立春後上辛行

祈穀禮祀

皇天上帝於

祈年殿奉

列聖神位配饗不設

從位

禮部則例一百九

凡歲以孟夏擇吉行

常雩禮祀

皇天上帝於

圓丘

會典事例三百四十五

地壇在安定門外北郊形方築地方折四十九丈四尺四寸深八尺六寸濶六尺澤中貯水方丘北牆二成上成方六丈下成方十

丈六尺均高六尺上成正中六六方螯外八方均以八八積成縱橫各二十四路二成倍上成八方八八之數半徑各八路以合八六陰數皆螯以黃色琉璃每成四出陞各八級皆白石二成上南左右設五嶽五鎮

五陵山石座鑿山形北左右設四海四瀆石座鑿水形均東西嚮水形座下鑿池貯水以祭內壇方二十七丈二尺高六尺厚二尺壇北三門六柱東西南各一門二柱柱及楣闕皆白石扉皆朱櫺壇北門外東北鎗杆一西北瘞坎一燎鑪五外壇方四十二丈高八尺厚二尺四寸門制與內壇位同東西門內從壇瘞坎南北各二壇南門外

皇祇室五間北嚮覆黃琉璃圍垣正方四十四丈八尺高丈一尺北嚮設一門外壇西門外

神庫

神厨祭器庫樂器庫各五間井亭二又西爲宰牲亭亭前井亭左右各一西北爲

齋宮東嚮正殿七間崇基石闌五出陞左右配殿各七間內宮門三間左右門各一外宮牆周百有十丈二尺門三東嚮門東北鐘樓一壇內垣周五百四十九丈四尺西北各三門東南各一門外垣周七百六十五丈西嚮門三角門一

會典七十一

方丘舊地爲明嘉靖九年定

本朝因之屢加寬廣規模制度益昭隆備

舊聞考一百七

歲以夏至日大

祀地於

方澤奉

列聖神位配饗

五嶽

五鎮

四海

四瀆

五陵山從祭均設黃幄

禮部則例一百十一

堂子在長安左門外玉河橋東凡

國家有征討大事必

親祭告

舊聞考四十八

每歲十二月二十六日內務府官詣

坤甯宮請

神送往

堂子元旦

皇帝親詣行禮正月初二日請

神回宮四月初八日浴佛遣贊祀行禮請

神送

神均內務府官司其事

禮部則例一百一十一

歲以季春季秋月朔

或二四八十月或上

旬詠立杆於

圖殿南正中石座由

大內恭請

神位安奉於

祭神殿內

皇帝親詣行禮致祭或遣贊祀行禮內務府請

旨進行

禮部冊

太廟在

闕左南嚮圍垣一重琉璃磚門三間左右門各一

戟門五間崇基石闌中三間前後均三出陞中九級左右七級門內外列戟百有二十左右門各三間前後均一出陞各五級前殿十有一間重檐三成繞以石闌五出陞一成均四級二成均五級三成中十有一級左右九級東西廡各十有五間燎鑪二中殿九間

後殿九間兩廡各十間

後殿東廡南燎鑪一

戟門外石橋五橋北井亭二六角開以朱櫺橋南

神庫五間西嚮

神厨五間東嚮

廟門外之西南奉祀署三間東嚮左右房各三間垣一重門一北嚮東南宰牲亭三間前治牲房五間均西嚮垣一重門一西嚮井

亭一六角閑以朱樞西南爲

太廟街門五間西北爲

太廟右門三間均西嚮

會典事例六
百六十三
饗

太廟之禮

後殿四室奉安

列祖

列后神位

中殿七室奉安

列聖

列后神位兩廡以功王功臣配嚮每歲孟春上旬諏吉夏秋冬孟

月朔日奉

中殿

列聖

列后神位於

前殿

寶座行時饗禮

後殿遣官同日將事歲除前一日奉

後殿

列祖

列后

中殿

列聖

列后神位奉安

前殿

寶座行大禋禮祭前一日遣官詣

後殿

中殿以大禋祇告均如儀

禮部則例

每歲元旦

皇太后聖節

萬壽聖節皆致祭

太廟後殿

同謹按

本朝

陵寢在遵化州昌瑞山者

世祖章皇帝曰

孝陵

孝康章皇后祔焉

孝惠章皇后曰

孝東陵

聖祖仁皇帝曰

景陵

孝誠仁皇后

孝昭仁皇后

孝懿仁皇后

孝恭仁皇后祔焉

高宗純皇帝曰

裕陵

孝賢純皇后

孝儀純皇后祔焉

文宗顯皇帝曰

定陵

孝德顯皇后祔焉

孝貞顯皇后曰

定東陵

穆宗毅皇帝曰

惠陵

孝哲毅皇后祔焉統名曰

東陵在易州永甯山者

世宗憲皇帝曰

泰陵

孝敬憲皇后祔焉

孝聖憲皇后曰

泰東陵

仁宗睿皇帝曰

昌陵

孝淑睿皇后祔焉

宣宗成皇帝曰

慕陵

孝穆成皇后

孝慎成皇后

孝全成皇后祔焉

孝靜成皇后曰

慕東陵統名曰西陵

禮部
冊

奉先殿在

肅誠門內南嚮

宮史

順治十四年

世祖章皇帝以

太廟時享孝思未申命稽往制建立

奉先殿

前殿七楹

後殿如之

舊闕
十八 祭

奉先殿之禮恭安

列聖

列后神牌於

後殿恭遇

皇太后萬壽聖節

萬壽聖節元旦冬至月朔望及國有大慶恭奉

神牌於前殿行大饗禮薦熟不以牲俎不飲福受胙王公百官不陪祀如遇

冊立

冊封

御經筵

耕藉謁

陵

巡狩

回鑾諸慶典則詣

後殿祇告

列聖聖誕

列聖

列后忌辰元宵清明霜降歲除等日立春端陽重陽等節暨孟夏
八日亦於

後殿將事每月薦新正月薦鯉魚青韭鴨卵二月薦蒿苳菜小葱
芹菜菠菜花鰕魚二月薦黃瓜萁蒿菜薹菜茼蒿水蘿葡四月
薦櫻桃茄子雛雞五月薦杏李蕨菜香瓜子驚桃桑椹六月薦杜
梨西瓜葡萄蘋果七月薦梨蓮子菱榛仁藕野雞八月薦山藥栗
實野鴨九月薦柿雁十月薦松仁軟棗蘑菇木耳十一月薦銀魚
鹿肉十二月薦蓼芽綠豆芽兔鱸鯉其豌豆大麥文官果等一應
鮮品及奉

旨特薦鮮品皆隨時隨獻

禮部則例
一百十四

社稷壇在

闕右北嚮壇制方二成高四尺上成方五丈二成方二丈三尺四

出陛皆白石各四級上成築五色土中黃東青南赤西白北黑土
由涿霸二州房山東安二縣豫辦解部同太常寺等驗用內墻四
面各一門楔闕皆制以石朱扉有欄門外各石柱二墻色亦各如
其方墻北門內西北瘞坎二北爲

拜殿又北爲戟門各五間戟門內列戟七十有二均覆黃琉璃崇
基三出陛墻外西南

神庫五間

神厨五間井一均東嚮墻垣周百五十三丈四尺內外丹雘覆黃
琉璃北門三間東西南門各一間循垣東北隅東嚮正門一左右
門各一相對

闕右門爲

乘輿躬祭出入之門墻西門外率牲亭三間東嚮井一垣一重門

一北嚮西南奉祀署東西各三間垣一重門一東嚮東遺官房一間南嚮東南爲

社稷街門五間東北爲

社稷左門三間均東嚮

會典事例六百六十三

順治元年定每歲以春秋仲

月上戊日祭

太社

太稷

太社以

后土句龍氏配

太稷以

后稷氏配壇中石

社主半埋土中仍設

太社

太稷

句龍氏

后稷氏神牌祭於

壇上每祭壇上敷五色土中黃東青南赤西白北黑隨方築之設樂舞於壇門內壇下兩旁壇壇官各二人執長竿於壇東西以禦飛禽又備龕於壇下如遇風雨卽以覆護

神牌又定

社稷壇爲大祀

會典事例三百四十五

日壇在朝陽門外東郊制方西嚮一成方五丈高五尺九寸面甃金磚四出陛皆白石各九級圓壇周七十六丈五尺高八尺一寸厚二尺三寸地正西三門六柱東南北各一門二柱柱及楣闕皆

白石扉皆朱樞境西門外燎鑪一瘞坎一西北鐘樓一境北門外東爲

神庫

神厨各三間宰牲亭井亭各一北爲祭器庫樂器庫樓薦庫各三間西北爲

具服殿正殿三間南嚮左右配殿各三間衛以宮牆宮門三南嚮壇垣周二百九十丈五尺西北各一門皆三間北門西角門二覆瓦均緣色琉璃

會典七十一東郊

日壇之制自乾隆七年奉

諭移建

具服殿嗣於二十年復奉

旨增葺

壇宇規模煥赫斟酌咸宜於大采祀儀爲尤稱云會典事例三百五十每歲

春分卯時致祭順治八年定禮部則例一百九凡遇甲丙戊庚壬年親

詣行禮餘年遣官行禮會典事例三百五十

月壇在阜成門外西郊制方東嚮一成方四丈高四尺六寸面甃金磚四出陛皆白石各六級方壇周九十四丈七尺高八尺厚二尺二寸壇正東三門六柱西南北各一門二柱柱及楣閭皆白石扉皆朱欄壇東門北門外燎鑪各一痊坎一東北鐘樓一壇南門外西爲

神庫

神厨各三間宰牲亭并亭各一南爲祭器庫樂器庫各三間東北爲

具服殿正殿三間南嚮左右配殿各三間衛以宮牆宮門三南嚮

壇垣周二百三十五丈九尺五寸東北各門一皆三門北門東角門一覆瓦皆綠色琉璃會典七十一每歲秋分酉時致祭

北斗七星

木火土金水五星

二十八宿

周天星辰配順治八年定

禮部則例百十七

凡遇丑辰未戌年

親詣行禮餘年遣官行禮

會典事例三百五十

先農壇在正陽門外西南制方南嚮一成方四丈七尺高四尺五寸四出陛各八級東南爲瘞坎壇北爲殿五間以藏

神牌東

神庫西

神厨各五間左右井亭各一東南爲

觀耕臺方廣五丈高五尺面甃金磚四圍黃絨琉璃南東西三出
陛各八級繞以白石闌柱前爲

耕田後爲

具服殿五間南嚮三出陛南九級東西各七級東北爲

神倉中廩制圓前爲收穀亭左右倉十有二間後爲祭器庫繚以

周垣南門一會典七十一壇內垣東門外北爲

慶成宮南嚮正殿五間崇基石闌前左右三出陛各九級後殿五
間左右配殿各三間正殿前辰牌石亭一內宮牆南三門東西掖
門各一外宮牆南中三門左右各一門東南鐘樓一壇外垣周千
三百六十八丈東嚮門二南北並列南入

先農壇北入

太歲殿皆三門角門一會典七十一

進呈奉

舊聞考乾隆二十年會典
御筆將先農壇齋宮改

爲慶壇在
成宮壇在

太歲壇西南明嘉靖年建

本朝因之乾隆十九年重修
大清一統志每歲春三月吉亥日祭

先農壇行

耕藉禮

禮部則例
百十八

先蠶壇在西苑之東北制方南嚮一成徑四丈高四尺四出陛各
十級西北爲瘞坎壇東南

先蠶神殿三間西嚮朱扉覆以綠琉璃崇基三出陛左有宰牲亭
一井亭一北爲

神庫南爲

神厨各三間壇東爲

采桑臺方廣三丈二尺高四尺臺面甃以金磚圍以白石南東西

三出陞各十級繞以朱闌前爲桑園後爲

具服殿五間南嚮三出陞各五級東西配殿各三間後殿五間東西配殿各三間四周迴廊二十間均覆以綠琉璃宮牆自殿南東西轉各北抵外垣東南西各一門浴蠶河在宮牆東自外園北垣流入田南垣出垣下各設牖啟閉木橋二橋東蠶署三間蠶室二十七間連檐通脊均西嚮壇垣周百六十丈西南隅正門三左右門各一西北隅角門一壇垣南室二重各五間均西嚮

會典七十一壇

建於乾隆七年我

朝自

聖祖仁皇帝設蠶舍於

豐澤園之左

世祖憲皇帝復建先蠶祠於北郊嗣以北郊無浴蠶所因議建於

此舊聞考二十八每歲欽天監選擇季春吉日祭

西陵氏於

先蠶壇

禮部則例
百十九

神祇壇在

先農壇內垣外之東南正南三門繚以重垣東爲天神壇制方南
嚮一成方五丈高四尺五寸五分四出陞各九級壇北設青白石
龕四鑊以雲形各高九尺二寸五分祀

雲雨風雷之神壇方二十四丈高五尺五寸壇正南三門六柱東
西北各一門二柱柱及楣闌皆白石犀皆朱樨西爲

地祇壇制方北嚮一成廣十丈縱六丈高四尺四出陞各六級壇
南設青白石龕五內鑊山形者三祭

五嶽五鎮五山之祇鑊水形者二龕下四圍鑿池祭則貯水祭

四海四瀆之祇各高八尺二寸壇東從位石龜山水形各一祭
京畿名山大川之祇西從位石龜山水形各一祭

天下名山大川之祇各高七尺六寸壇方二十四丈高五尺五寸
壇正北三門六柱東西南各一門二柱柱及楣闕皆白石扉皆朱
櫺會典七十一

天神

地祇

太歲壇位俱在

先農壇內祈雨則

遣官祭告雨足則報祀

舊聞考五十五

太歲壇在

先農壇之東北

正殿七間南嚮三出陛各六級東西廡各十有一間前爲拜殿七間拜殿東南燎鑪一壇內垣南北東西各三間會典七十一

正殿祀

太歲東廡爲春秋月將西廡爲夏冬月將會典事例三百五十七嘉靖八年

建

本朝因之乾隆十九年重修每年於正月上旬吉日及十二月杪恭祀

太廟日致祭

太歲月將之神大清一統志

前代壇廟考

金郊壇

南郊壇在豐宜門外當闕之己地圓壇三成成十二陛各按辰

位墼牆三市四門各三門齋宮東北厨庫在南壇墼皆以赤土
坊之北郊方丘在通元門外當闕之亥地方壇三成成爲子午
卯酉四正陞方壇三周四面亦三門朝日壇曰大明在施仁門
外之東南當闕之卯地門壇之制皆同方北夕月壇曰夜明在
彰義門外之西北當闕之酉地掘地污之爲壇其中常以冬至
日合祀昊天上帝皇地祇於圜丘夏至日祭皇地祇於方丘春
分朝日於東郊秋分夕月於西郊

金史

禮志拜郊臺在府西南七里

金大定間拜天於此

明一統志日下舊聞考云拜郊臺今無
考朱彝尊於豐台按下以爲疑即拜郊臺

亦係約畧言之
初無確證也

金太廟

貞元初海陵遷燕乃增廣舊廟奉遷祖宗神主於新都建巨闕
於內城之南千步廊三年十一月奉安於太廟大定十一年十

一月郊祀前一日享太廟

金禮志

金社稷壇

貞元元年閏十二月有司奏建社稷壇於燕京大定七年七月又奏建壇於中都社爲制其外四周爲垣南嚮開一神門門三間內又四周爲垣東西南北各開一神門門三間各列二十四戟四隅連飾杙悤無屋於中稍南爲壇位令三方廣濶一級四陛以五色土各飾其方中央覆以黃土其廣五丈高五尺其主用白石下廣二尺刻其上形如鐘埋其半壇南栽栗以表之近西爲稷壇如社壇之制而無石主四境門各五間兩塾三間門列十二戟壇有角樓樓之面皆隨方色飾之饌幔四楹在北壇門西北嚮神厨在西境門外南嚮庠在南園牆內東西嚮有望祭堂三楹在其北兩則於是堂望拜堂之南北各爲屋二楹三

獻及司徒致齋幕次也堂下南北相嚮有齋舍二十楹外門止

一間不施鴟尾

金禮志

金風雨雷師壇

明昌五年禮官言風雨雷師其禮尙闕宜詔有司講定儀注以聞尙書省奏天地日月或親祀或令有司攝事若風雨雷師乃中祀合令有司攝之且又州縣之所通祀者也合先舉行制可乃爲壇於景豐門外東南闕之巽地歲以立春後丑日以祀風師牲幣進熟如中祀儀又爲壇於端禮門外西南闕之坤地以立夏後申日以祀雨師其儀如中祀

金禮志

元郊壇

至元三十一年成宗卽位四月壬寅始爲壇於都城南七里

元祭

祀志按舊聞考云其地當在今永定門外

大德九年七月辛亥築郊壇於麗正

文明門之南丙位

元成宗本紀

壇地在地正門外丙位凡三百

八畝有奇壇三成每成高八尺一寸上成縱橫五丈中成十丈下成十五丈四陞午貫地子午卯酉四位陞十有二級外設二壇內壇去壇二十五步外壇去內壇五十四步壇各四門外垣南櫺星門三東西櫺星門各一圓壇周圍上下俱護以甃內外壇各高五尺壇四面各有門三俱塗以赤至大三年冬至以三成不足以容從祀版位以青繩代一成繩二百各長二十五尺以足四成之制燎壇在外壇內丙己之位高一丈二尺四方各一丈周圍亦護以甃東西南三出陞開上南出陞上方六尺深可容柴香殿三間在外壇南門之外少西南嚮饌幕殿五間在外壇南門之外少東南嚮省饌殿一間在外壇東門之外少北南嚮外壇之東南爲別院內神厨五間南嚮祠祭局三間北嚮

酒庫三間西嚮獻官齋房二十間在神厨南垣之外西嚮外墻
南門之外爲中神門五間執事齋房六十間以翼之皆北嚮兩
翼端皆有垣以抵東西周垣各爲門以便出入齊班廳五間在
獻官齋房之前西嚮嚮儀局三間法物庫三間都監庫五間在
外垣內之西北隅皆西嚮雅樂庫六間在外垣西門之內少南
東嚮演樂堂七間在外垣內之西南隅東嚮獻厨三間在外垣
內之東南隅西嚮滌養犧牲所在外垣南門之外少東西嚮內
犧牲所三間南嚮

元祭
記志

元太廟

世祖至元十四年詔建太廟於大都元祭記志元一統志大
舊開考元時太廟門外馳道抵齊化門之通衢十六年八月以江南所獲玉爵及玷四
十九事納於太廟元祭記志十七年十二月甲午大都重建太廟成

元世祖紀

至大二年春正月以受尊號討太廟爲親祀之始

元武宗本

紀

廟制前廟後寢正殿東西七間南北五間內分七室殿陛

二成三階中曰太階西曰西階東曰阼階寢殿東西五間南北三間環以宮城四隅重屋號角樓正南正東正西宮門三門各五門皆號神門殿下道直東西神門曰橫街直南門曰通街壁之通街兩傍井二皆覆以亭宮城外繚以崇垣饌幕殿七間在宮城南門之東南嚮齊班廳五間在宮城之東南西嚮省饌殿一間在東城東門少北南嚮初獻齋室在宮城之東東垣門內少北西嚮其南爲亞終獻司徒大禮使助奠七祀獻官等齋室皆西嚮雅樂庫在宮城西南東嚮法物庫儀鸞庫在宮城之東北皆南嚮都監局在其東少南西嚮東垣之內環築牆垣爲別院內神厨局五間在北南嚮井在神厨之東北有酒亭庫三間

在井亭南西嚮祠祭局三間對神廚局北嚮院門西嚮百官府
五間在神廚院南西嚮宮城之南復爲門與中神門相值左右
連屋六十餘間東掩齊班廳西值雅樂庫爲諸執事齋房築崇
垣以環其外東西南開櫺星門三南門外馳道抵齊化門之通
衢至治元年詔議增廣廟制三年別建大殿一十五間於今廟
前用今廟爲寢殿中三間通爲一室餘十間各爲一室東西兩
旁際牆各留一間以爲夾室室皆東西橫闊二丈南北入深六
間每間二丈宮城南展後鑿新井二於殿南作亭東南隅西南
隅角樓南神門東西神門饌幕殿省饌殿獻官百執事齋室中
南門齊班廳雅樂庫神廚祠祭等局皆南徙建大次殿三間於
宮城之西北東西櫺星門亦南徙東西櫺星門之內鹵簿房四

所通五十間

元祭
祀志

元社稷壇

至元七年十二月有詔歲祀太社太稷三十年正月始用御史中丞崔彥言於義和門內少南得地四十畝爲壇垣近南爲二壇壇高五尺方廣十之社東稷西相去約五丈社稷土用青赤白黑四色依方位築之中間實以常土止以黃土覆之築必堅實依方面以五色泥飾之四面當中各設一陛道其廣一丈亦各依方色稷壇一如社壇之制惟土不用五色其上四周純用一色黃土壇皆北嚮立北墉於社稷之北以磚爲之飾以黃泥瘞坎二於稷壇之北少西深足容物二壇周圍墼垣以磚爲之高五尺廣三十丈四隅連飾內墼垣櫺星門四所外垣櫺星門二所每所門二列戟二十有四外墼內北垣下屋七間南望二壇以備風雨曰望祀堂堂東屋五間連厦三間曰齊班廳廳之

南西嚮屋八間曰獻官幕又南西嚮屋三間曰院官齋所又其
南屋十間自北而南曰祠祭局曰儀鑾庫曰法物庫曰都監庫
曰雅樂庫又其南北嚮屋三間曰百官廚外垣南門西墻垣西
南北嚮屋三間曰大樂署其西東嚮屋三間曰樂工房又其北
北嚮屋一間曰饌幕殿又北南嚮屋三間曰饌幕又北稍東南
嚮門一間院內南嚮屋三間曰神廚東西屋三間曰酒庫近北
少卻東嚮屋三間曰犧牲房并有亭望祀堂後自西而東南嚮
屋九間曰監祭執事房此壇墻次舍之所也社主用白石長五
尺廣二尺剡其上如鐘於社壇近南北嚮埋其半於土中稷不
用主后土氏配社后稷氏配稷神位版二用栗素質黑書社樹
以松於社稷二壇之南各一株此作主樹木之法也

元祭
祀志

元先農壇

先農之祀始自至元九年二月命祭先農如祭社之儀十四年
二月戊辰祀先農東郊十五年二月戊午祀先農以蒙古胄子
代耕藉田二十一年二月丁亥又命翰林學士承旨色埒默祀
先農於藉田武宗至大三年夏四月從大司農請建農蠶二壇
博士議二壇之式與社稷同縱廣一十步高五尺四出陞外壇
相去二十五步每方有櫺星門令先農先蠶壇壇在藉田之內
若立外壇恐妨千畝其外壇勿築是歲祀先農如社稷

元禮志

明郊壇

天壇在正陽門之左永樂十八年建繚以垣牆周迴九里十三
步初遵洪武合祀天地之制稱爲天地壇後旣分祀乃專稱天
壇

春明夢餘錄

園丘第壇濶七丈高八尺一寸四出陞正南陞濶

九尺五寸九級東西北面陞俱濶八尺一寸九級壇面及壇腳

用琉璃闌干第二層壇面周圍俱濶二丈五尺高八尺一寸正
南陛一丈二尺五寸九級東西北面陛俱一丈一尺九寸五分
九級壇面及壇腳用琉璃磚砌四面用琉璃闌干墁去壇一十
五丈高八尺一寸用磚砌正南櫺星門三座中門濶一丈二尺
五寸左門濶一丈一尺五寸五分右門東邊櫺星門濶九尺五
寸北面西面尺寸同燎鑪一座在壇外東南丙地高九尺濶七
尺上開南出戶壇腳東西南三面設陛周圍外牆去墁一十五
丈正南櫺星門三座中門濶一丈九尺五寸門外正甬道濶丈
尺同左門濶一丈二尺五寸門外左甬道丈尺同右門濶一丈
一尺九寸五分門外右甬道丈尺同東西北櫺星門濶一丈一
尺九寸五分甬道丈尺同

存心錄

圖丘外圍方牆門四南曰昭

亨東曰泰元西曰廣利北曰成貞內櫺星門南門外東南砌綠

磁燎鑪旁毛血池西南望鉦臺長竿懸大鐙外櫺星門南門外
左設具服臺東門外建神庫神廚祭器庫宰牲亭北門外正北
建泰神殿後改爲皇穹宇藏上帝太祖之神版翼以兩廡藏從
祀之神版又西爲鑾駕庫又西爲犧牲所北爲神樂觀成貞門
外爲齋宮迤西爲壇門

春明夢餘錄

嘉靖十三年二月奉旨圖丘

方澤今後稱天壇地壇

明嘉靖祀典

明地壇

嘉靖九年五月作方丘於北郊

明典彙

方澤壇在安定門之北

統以垣牆爲制二成一成面方六丈高六尺二成面方十丈六
尺高六尺輒用六八陰數黃色琉璃青白色石砌四出陛各八
級周圍水渠一道長四十九丈四尺四寸深八尺六寸濶六尺
內墻方牆二十七尺高六尺厚二尺內櫺星門四北門外西爲

遼位遼祝帛配位帛則燎之東爲鍾臺南門爲皇祇室藏神版而太祖版則以祭之前一日詣諸廟外樞星門四西門外迤西爲神庫神廚宰牲亭祭器庫北門外西北爲齋宮又建四天門西門外爲鑾駕庫遣官房南爲陪祀官房又外爲壇門又外爲秦折街牌坊護壇地一千四百七十六畝

春明夢餘錄

明太廟

太廟在闕之左永樂十八年建前正殿翼以兩廡後寢殿九間間一室主皆南面几席諸器備嘉靖十一年中允廖道南請建九廟上從其議撤故廟祖宗各建專廟合爲都宮因舊廟新之太祖居中文皇世廟在太祖東北居六廟上昭穆六廟列太廟左右廟各有殿殿後有寢藏主太廟寢後別有祧寢藏祧主太廟門殿皆南嚮羣廟門東西嚮內寢殿皆南嚮十五年十二月

九廟成二十年四月雷火八廟災惟睿廟存因重建太廟復同
堂異室之制二十四年七月新廟成正殿九間內貯諸帝后冕
旒冠帶櫃而藏之祭則陳設東西側間設功臣親王位前爲兩
廡東西二燎鑪東燎列聖親王祝帛西燎功臣帛南爲戟門門
之左爲神庫右爲神府又南爲廟門門外東南爲宰牲亭南爲
神宮鑒西爲廟街門正殿後爲寢殿九間奉安列聖神主皆南
嚮又爲祧廟五間藏祧主皆南嚮時享於四孟祫於歲餘
春明夢餘錄

明奉先殿

奉先殿在神霄門之東殿九室如廟寢制國有太廟以象外朝
有奉先殿以象內朝每室一帝一后如太廟寢殿其祔祧迭還
之禮亦如之凡祀方正朝日夕月冊封告祭及忌辰在焉餘皆

太廟行之永樂三十五年始作

春明夢餘錄

明社稷壇

社稷壇在闕之右與太廟對壇制二成四面石階各三級上成用五色土隨方築之壇西砌座位四面開櫺星門西門外西南建神庫庫南爲神廚北門外爲拜殿外天門四座西門外爲宰牲亭

春明夢餘錄

餘錄

明日壇

朝日壇在朝陽門外緣以垣牆嘉靖九年建

春明夢餘錄

嘉靖九年禮臣奉欽天監正夏祚等會看得朝陽門外三里迤北綿衣衛指揮蕭談地東西闊八十一丈南北進深八十一丈堪建朝

日壇

從之西嚮爲制一成以春分之日祭大明之神壇方廣五丈高

五尺九寸壇面用紅琉璃階九級俱白石櫺星門西門外爲燎銀臺池西南爲具服殿東北爲神庫神廚宰牲亭鐙庫鐘樓北

爲遣官房外爲天門二座北天門外爲禮神坊西天門外迤南
爲陪祀齋宿房五十四間護壇地一百畝

春明夢
餘錄

明月壇

少月壇在阜成門外繚以垣牆嘉靖九年建東嚮爲制一成祭
用牲玉獻舞如朝日儀惟樂六奏從祀二十八宿木火土金水
五星周天星辰壇方廣四丈高四尺六寸面白琉璃階六級俱
白石內櫺星門四東門外爲瘞池東北爲具服殿南門外爲神
庫西南爲率牲亭神廚祭器庫北門外爲鐘樓遣官房外天門
二座東天門外北爲禮神坊護壇地三十六畝祭之日以寅祭
之時以西

春明夢
餘錄

明先農壇

先農壇在山川壇內太歲壇傍之西南永樂中建爲制一成石

包磚砌方廣四丈七尺高四尺五寸四出陞西爲座位東爲齋
宮鑾駕庫東北爲神倉東南爲具服殿殿前爲觀耕臺臺用木
方五丈高五尺南東西三出陞臺南爲耕田護壇地六百畝供
黍稷及薦新品物又地九十四畝有奇每年額稅太常寺會同
禮部收貯神倉以備早潦嘉靖中建圓廩方倉以貯粳盛上耕
藉田親祭餘年順天府尹祭春明夢餘錄明禮志嘉靖中建
先農壇高五尺廣五丈與春明夢餘錄互異

明先農壇

親蠶殿在萬壽宮西南有齋宮具服殿蠶室繭館皆如古制金
退食筆記嘉靖九年勅禮部曰耕桑重事古者帝親耕后親桑以

勸天下自今歲始朕親耕皇后親蠶其具儀以聞於是大學士
張璁等請於安定門外建先農壇制旁設採桑壇做藉

田制其別殿如南郊齋制少減其數卽齋傍起蠶房爲浴蠶所
皇后採桑三條後三宮夫人採五條列侯九卿夫人採九條仍
擇民婦受桑浴蠶於內以終事詔如議行詹事府詹事霍韜言
皇后出難越宿且郊外別建蠶室則宮嬪命婦未見蠶事勢難
久行乞擇近地便戶部亦言安定門外水源不通無浴蠶所初
禮部議於皇城內西苑中有太液瓊島之水且唐制在苑中宋
亦於宮中從禮部議便上命築親蠶壇於安定門外十年三月
改築壇於西苑仁壽宮側壇高二尺六寸四出陛廣六尺四寸
東爲採桑壇方一丈四尺高二尺四寸三出陛鋪簀如壇制臺
之左右樹以桑東爲具服殿殿北爲蠶室又爲從室以居蠶婦
設蠶官署於宮左置蠶官令一員丞二員擇內臣謹恪者爲之
十四年皇后親蠶於內苑

明典禮志 按舊聞考三十六云明
時先蠶壇在西苑仁壽宮側已廢

明神祇壇

嘉靖十一年卽山川壇爲天神地祇二壇以仲秋中旬致祭別建太歲壇專祀太歲東廡爲春秋月將西廡爲夏冬月將各二壇前爲拜殿宰牲亭南爲川井卽山川壇舊井有龍蟄其中壇西南有先農壇東旗纛廟壇南藉田在焉十年定太歲月將祭期歲於孟春享廟歲暮祫祭之日遣官行禮隆慶元年禮官議天神地祇旣從祀南北郊仲秋不宜復有神祇壇之祭罷之而太歲之祭如故

春明夢餘錄

天神壇方廣五丈高四尺五寸五分

四出陛各九級墻方二十四丈高五尺五寸厚二尺五寸櫺星門六正南三東四北各一內設雲形青白石龕四於壇北各高九尺二寸五分地祇壇面濶十丈進深六丈高四尺四出陛各六級墻方二十四丈高五尺五寸厚二尺四寸櫺星門亦

如神壇內設青白石龕山形三水形二於壇北各高八尺二寸
左從位山水形各一於壇東右從位山水形各一於壇西各高
七尺六寸

同上

明太歲壇

太歲壇在山川壇內中爲太歲壇東西兩廡南爲拜殿殿之東
南砌燄鑪殿之西爲神庫神廚宰牲亭亭南爲川井外四天門
東門外爲齋宮鑾駕庫外爲東天門

春明夢餘錄明嘉靖祀典禮臣上言太歲之神自

唐宋以來祀典不載惟元有大興作祭於太史院亦無常祭國
朝始有定祀是以壇字之制於古無稽按說文太歲木星也一
歲行一次應十二辰而一周天其爲天神明矣亦宜設壇露祭
但壇制無考應照社稷壇築造高廣尺寸差爲減殺庶於壇適
可宜言

華陽吳祖椿校